


Minister Paul Croes cu elogio pa Steven Max:

"Aruba orguyoso di bo logronan"



ORANJESTAD (AAN): Diasabra mainta durante di celebracion di Anja di Rey Willem Alexander riba Plaza Wilhelmina, Copa Felipe B. Tromp a ser entrega na Steven Max door di Gobernador di Aruba, sr Fredis Refunjol. E copa aki ta pa hobenan cu ta destaca den deporte aki na Aruba.

Drs. Paul Croes, Minister di Asuntonan Social, Hubentud y Labor tabata presente durante e celebracion aki na Parke Wilhelmina y a felicita Steven, Max, pero na mes momento tabatin elogio pa e tur hoben cu ta destaca riba diferente tereno aki na Aruba.

"Steven Max ta un ehempel

pa hobennan aki na Aruba. Danki na su dedicacion, perseverancia y disciplina, cu apoyo di su mayornan, awe Steven ta destaca y pone Aruba su nomber halto internacionalmente". Minister Croes ta kere cu nos tin hopi talentonan hoben riba nos isla, cu mester di e apoyo di henter nos comunidad.

Den varios sector, nos hobennan ta destaca y por mas. Den deporte, arte, comercio, cuido y educacion

nos tin talentonan.

Meta di Minister Croes ta pa apoya nos hobennan den e diferente sector nan aki.

Creando oportunidad pa nan por desaroya e diferente talentonan aki.

Copa Felipe B. Tromp a ser entrega na Steven Max durante celebracion di Aña di Rey cual lo mester ta un estimulo pa tur hoben, pa sigui hasi nan esfuerzo pa bai dilanti den bida.